

Protocol no. 91
Sezzüda da lündeschdi, 7 marz 2011, 20.00 – 22.40

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

Protocol

Il protocol no. 90 da la sezzüda dals 28 favrer 2011 vain approvà.

783 021 FABRICA
Andri Planta – Ingrondimaint garascha – Pradè

Il schef da fabrica orientescha cha'l patrun da fabrica voul ingrondir pel dubel la garascha ch'id es pel mumaint in fabrica. Il Cussagl cumünal decida da princip cha quai saja in uorden e spetta sün üna dumonda da fabrica correspondententa.

784 021 FABRICA
Jon Poo Werro – Müdar oura fanestras – Schigliana 204

Il Cussagl cumünal decida da dar il permiss da fabrica seguaintamaing:

1. Tenor la dumonda acclusa al permiss da fabrica.
2. Il cumün inchascha seguainta taxa da trattamaint: fr. 100.--.

785 021 FABRICA
Sibylle Shaw ed Andreas Ovenstone – Müdamaint da proget – Plaz 37 e 37A

Il Cussagl cumünal decida da dar il permiss pel müdamaint dal proget seguaintamaing:

1. Tenor la dumonda acclusa al permiss da fabrica.
2. Il cumün inchascha seguainta taxa da trattamaint: fr. 100.--.

786 830 TURISSEM
Contrat DMO – Bündner Wanderwege

Il schef turissem orientescha chi vegnan in connex culla realisaziun da la DMO (Engiadina Bassa – Val Müstair – Samignun) s-chaffits contrats cun tuot ils cumüns per quai chi pertocca la rait da las sendas. I vain creà üna piazza d'ün coordinatur e mincha cumün ha per las sendas localas üna persuna sco post da controlla.

Implü es gnü tematisà cha cuosts d'investiziuns plü grondas pel turissem dessan gnir spartits sü solidaricamaing tanter ils cumüns.

788 012

EXECUTIVA

Tschernas cumünalas 2012 – 2014

Tenor la constituziun cumünala ha nouv la cumünanza d'urna la cumpetenzza da tscherner il capo cumünal, 4 commembers dal Cussagl cumünal, 3 commembers da la Cumischiun sindicatoria e 4 commembers dal Cussagl da scoula. La procedura es la seguainta:

Pro elecziuns publichescha il Cussagl cumünal in ün mez da publicaziun official propostas per candidaturas inoltradas in scrit almain 14 dis avant l'elecziun, la quala sto gnir preannunziada almain 30 dis ouravant muossond via sülla pussibilità d'inoltrar nominaziuns.

Il Cussagl cumünal decida cha las tschernas a l'urna hajan lö als 28 avuost 2011 e giavüscha a la populaziun da's far fingià uossa impissamaints per inoltrar candidaturas pussiblas. Las candidaturas ston esser cuntshaintas tras quai il plü tard pels 31 lügl 2011.

789 115

SERVEZZAN DA LAVINAS

Transit d'inviern in Val Sinestra

Tenor la cumischiun da lavinias han adüna amo massa blers veiculs il permiss per transir d'inviern sülla via da Sinestra. Tals permiss vegnan concess be per viadis chi stan in stret connex cul hotel Val Sinestra. Il Cussagl cumünal decida da sezzar insembel d'instà culs respunsabels da l'hotel e definerà las modalitats per pudair retrar permiss exepziunals.

L'actuar: